

Niv. 53
15 mezheven — 15 gouere 1974

« POBL VREIZ »

B. P. 304

29273 BREST CEDEX

KOUMANANTOU

Boutin : 6 L

Skoazell : adaleg 15 L

K.R.P. 2746-79 ROAZON

POBL VREIZ

0,50

ECHU AN ABADENN!



N'EO KET KOULZ AR BINIOU
HAG AR SONEREZH MEUR!



Ar C'huzul-seveniñ o labourat

PENNAD-STUR

Aet eo an tu-kleiz war-raok, met n'eo ket aet e-barzh. Ar pezh a zo gwir evit an Egzagon Gall zo gwiroc'h c'hoazh evit Breizh. Frealzus eo an disoc'hoù (résultats) amañ. N'eomp ket da ganañ kan en trec'h, evel ma ra lod, met arabat dimu fallgaloniñ kennebeut, rak evit ar wech kentañ eo deuet ar maout gant an tu kleiz en un departamant eus hon bro, hini Aodoù-an-Hanternoz, ha se goude ma talc'h ar vro da goll he yaouankiz gant an divroañ.

Al labourerion vreton ne vezont ket gennet ken aes ha gwechall gant ar

bruderezh ofisiel. Krog int da gompren pegen divalav eo o gounidegezh : en Breizh zo div wech muioc'h a smigarded eget e lec'h all.

Div gentel zo da dennañ eus ar votadeg-se :

— Votet o deus an dud ar wech-mañ, en Egzagon, diouzh o renkad (klas). Gouvezet e vez gant ar sontadennoù penaos an tri-c'hard eus ar vicherourion (ouvrierion) o deus votet evit Mitterand, hag an tri-c'hard eus ar sternioù uhelañ evit Giscard. En amzer De Gaulle hag e hêr (heritour) Pompidou, e veze dallet kalz a dud ; De Gaulle a veze evel un doue evit ur bern tud. Bremañ ec'h eo sklaeraet an traoù avat, hag al labourer-

ion a oar pelec'h skeiñ. En Breizh avat, n'eo ket bet ken sklaer ar vot, alese an eil gentel-mañ :

— Votiñ a ra ur bern kantonioù eus Breizh evel an trevadennoù (Kolonioù), pezh n'eo ket souezhus peogwir, d'hon meno, ec'h eo Breizh un drevadenn. Evit gouzout hiroc'h, lennit pennad Fañch Morvannoù (pajenn 5). Da c'hortoz, e vo tra-walc'h gant ar pevar sifr-mañ :

Wallis ha Futuna :	Giscard 94,8 %
Kerlouan	Giscard 88,5 %
Afar hag Issa	Giscard 78,4 %
Lesneven	Giscard 75,6 %

Labour zo d'ober c'hoazh, neketa ?
Bec'h dezhi eta !

UDR


AR RAZH

AR RAZH A VEV EL LOUSTONI

DEBRIÑ 'RA LOUSTONI...

... HAG E RA TEMZ.

HAG AN NATUR A GRESK.
E-LEC'H AL LOUSTONI



BZHEDH
BZHEDH



PA VEZ KLANV E VEZ DEBRET
GANT UL LOEN ALL

'VEL-SE NE GAVER NEMET
RAZHED YAC'H!

ARABAT DEOCH AVAT
TEUREL POZHON
D'AR RAZHED.



PE NE VO RAZH EBET KEN
'NIT DEBRIÑ HO PERN LOUSTONI...

... HAG E TAPPET
KLEñVEJOÙ SPONTUS!



RAZHED 'VEZ
KAVET E PEVAR
KORN AR BED

AN DEIZ MA VARVO
TOUT AR RAZHED
E VARVO
TOUT AN DUD

Munn Seitek

NAETAAT A RA AR RAZH
AR BED LOUSAET GANEOMP

AR RAZH A ZO UL LOEN PRISIUS.